



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Methodus Clara Et Facilis Vacandi Orationi mentali Atque  
Exercendi se cum fructu in præsentia Dei**

**Coloniæ Agrippinæ, 1687**

Quomodo in corde producitur atque efformatur aspiratio?

[urn:nbn:de:hbz:466:1-46004](https://nbn-resolving.de/urn:nbn:de:hbz:466:1-46004)

Evenire nihilominus aliquando solet , ut Deus jam tum ab initio conversionis efficaciter moveat Novitios, adeoq; fortiter eorum corda sibi conciliet, ut, siquidem co-motionem istam sollicitè confovere , flammamque in ipsis ardentem nutritre velint , exercitium hoc illis facillimum evadat, paucisque illos diebus ad magnam virtutem perducat.

*Quomodo in corde producitur atq; effor-  
matur aspiratio ?*

**D**Uobus modis aspirationes istas in corde nostro concipimus. Primo per solum attractum atque afflatum Dei , qui nescio quo gratiae suæ motu nos præveniens unico tempore momento recolligit omnes potentias nostras ; intellectui nostrum communicat aliquid lumen , quod egregiam aliquam nobis patet faciendo veritatem , voluntatem nostram confessum impellit ad producendum affectum veritati isti conformem , atque iste affectus ad Deum directus est aspiratio & jaculatoria oratio, de qua loquimur. Exempli gratia, si, nihil dum cogito , subito mens prævenitur atque illustratur quadam notitiâ , quæ ei dicit : *Deus te videt , singulariterq; sibi complacet in eo , quod oculos habeat in creaturis suis desixos :* Et tu quid cogitas ? Mox voluntas huic luminis correspondens affectum aliquem cœlum versus evibrans ait : *Quis sum ego , Domine , quia oculos in me tuos divinos desfigis ? Aut certe : Utinam mundus essem ab omnibus imperfectionibus meis , nt oculis tuis acceptior forem ! Aut denique : Tu ubique me respiuis ,*

*Domine*

*Primus  
modus fit  
in nobis si-  
ne nobis.*

*Domine, & quidē oculo supra modū attento!  
Ego vicissim te in omnibus & ubiq<sub>z</sub> intuebor,  
volo enim, ut cor & cogitatio mea in te sit in-  
cessanter defix<sub>s</sub>. Hoc primo modo aspiratio  
in nobis enascitur absque ulla arte atque in-  
dustria ex parte nostra , sed hoc ipso quod  
simpliciter afflatui & commotioni Spiritus san-  
cti obedimus.*

*Alter modus à nobis amplius dependet, est  
que situs in eo, quod nos ipsi sollicitè, diligen-  
ter atque industrie connitimus , ut nos colli-  
gamus atque in Deum elevemus. Cui rei ne-  
cessarii non sunt magni discursus aut profun-  
dæ considerationes , sed solum, ut ex omni eo,  
quod nobis occurrit, occasionem captemus  
laudandi ac benedicendi Deum , aut certè re-  
vocandi in memoriam veritatem quandam  
aliàs cognitam ac bene degustatam , ad cuius  
intuitum voluntas non possit non rursus in-  
flammari. Exempli gratia : Audis quempiam  
enarrantem conversionem cujusdam Hæretici  
aut peccatoris ; concepta inde lætitia te urge-  
bit , ut Deum hac vel simili ratione collau-  
des : *Quantum gaudio , mi Deus , de ista-  
rum conversione animarum ! Eja , Domini ,  
hac ratione de omnibus inimicis tuis trium-  
phum agas , eosque ad sanctam fidem tuam ,  
tuorumque sanctorum præceptorum obser-  
vationem reducas.**

*Ubi vides aut ab aliis depingi audis mun-  
danorum vanitatem , ardoremque, quo vita  
præsentis delicias prosequuntur , dicere poter-  
is cum sancto Augustino : *O si tales essemus  
amatores vita permanentis , quales homines**

*sun*

*sunt amatores vite fugientis ! Si vides Fratrem aliquem in sui humiliatione patientem , occasionem inde sumes excitandi aspirationem ac dicendi : Quantum tibi hic Frater meus hoc in statu placet , Domine , virtutis illius me quo<sup>o</sup> fac participem.*

Salutando aliquem Religiosum tibi obvium, vel certè ipsi colloquendo dices . Domine, hic unus est ex predestinatis , quibus pertuam me gratiam associasti ? Aut certè : Ipsum honoro , Domine, quia tu ipsum amas. Aut denique ; Non video nisi unum hominem , attamen ipse solus non est , quia Angelus tutelaris ipsius à latere ejus est. Domine, ego & unum & alterum simul revereor & honoro.

Ecce qua ratione ex singulis quibusque rebus occasionem captare possumus ad Deum nos elevandi. Quod si cui exempla ista nimis humilia videantur & abjecta , atque aspirationum argumentum nimis infirmum , noverit ille, de exercitiis interioribus ubi agitur, non tam esse connitendum , ut multum evehamur in altum , quam ut in omnibus , etiam minimis atque abjectissimis , rebus cum iudicio , prudentia , atque ad Deum respectu agamus.

Atenim quæ diximus hactenus, ea sufficere nullatenus existimato ; eâ quippe ratione si horâ integrâ nihil nobis occurreret , illam integrum transigere absque illa de Deo cogitatione possemus , id quod fieri nullo modo debet : hoc etenim aspirationum exercitium non eò solum respicit , ut illius beneficio in via

*Finis aspiratio-  
naris  
est, ut prae-  
gredia-  
mar, non  
verò  
dumtaxat*

Dei

*ut in via  
perfectionis conti-  
nemur.*

*Perfectio  
& con-  
summatio  
in exerci-  
cio aspira-  
tionis.*

*Aspiratio  
continua  
constituit*

Dei conservemur : Verum etiam, & quidem multò amplius, ut in ea progrediamur, atque in Dei amore incrementa sumamus. Eapropter quā fieri potest frequentissimè excitare nosiplos debemus ad sanctos quosdam eliciendos affectus, ac præcipue ad repetendos, & quasi ruminandos illos, quos in oratione matutina degustavimus, aut quibus aliquatenus commoti fuimus, utimox dicemus.

Illis, qui in oratione ac Dei amore jam tum multum profecere, hocce exercitium fermè transiit in naturam. Adeoque inadvertenter quasi coreorum, fornacis instar ardentes, nunquam cœlum versus ferventissimas aspiraciones, quasi totidem scintillas, non emitit, proindeque quidquid agant atque ubi vis existant, sive intra sive extra Monasterium, diu nocturne, soli an in societate, in actione aut quiete semper in continuo sunt cogitatu sensuque de Deo. Illi loquuntur, plurimaque ardentia versus ipsum desideria destinant; non secus atque avarus; qui suorum amore thesaurorum impotenter accensus non potest, quin de illis continuò cogitet, corque suum in ipsis defixum habeat. Iltis eapropter nullam præscribimus regulam aut industriam, quia illi ex ipsis multò melius, multòque amplius faciunt, quam Regulæ quævis illis præscribere possent.

*Qua ratione aspirationum exercitio assue-  
scere atq[ue] illo uti debea-  
mus.*

**H**ac in continua actualique conversatione affectiva cum Deo præcipue consistit sp̄itus